

Xajon ra tsikínda jè Pablo ra isìkasén-la xita naxindá-la Cristo ra títsajna ya Éfeso

Kó'sín nga síhixo'ta Pablo jñà xita Éfeso

1 ¹ Jiòn, xita-la Nainá ra titsajna ya naxindá Éfeso ra ko'sín kixi mangí'ta-la Cristo Jesús, 'koaá 'sín tísixó'tà-no 'an Pablo ra ko'sín tsikíxáya-na Jesucristo koni 'sín nga jè Nainá kjomejèn-la. ² Nainá ra Na'ín-ná ma ko jè Jesucristo ra tíjna ítjòn-ná katatsjá-no kjonda ko kjo'nchán ya ajin inìma-no.

Kó'sín síchikon'tin-ná Nainá 'kia nga ya titsajna keé jè Cristo

³ Jeya katijna Nainá ra Na'ín-la Jesucristo ra tíjna ítjòn-ná nga ko'sín isìchikon'tin-ná nga kitsjá-ná nga'tsì kjonda ra 'tse inìma-ná ra ya inchrabà-ni ya ján ngajmi ta ngatjì-la nga ya titsajna keé Cristo. ⁴ Nga 'koaá 'sín taña jahájin-ná ko Cristo 'kia nga tikjè sinda isà'nde, mé-ni nga xita tsje kameé ra a'ta 'tse ko nímé jé 'se-ná ya ngixkon ra jè. ⁵ Ngi ta koó kjotsjacha-la nga ko'sín kiskosòn-la nga tí'sa-ni nga iskábétjò-ná nga ixti-la tsó-ná ra a'ta 'tse Jesucristo, koni 'sín nga jè kisasèn-la ko nga kjomejèn-la nga ko'sín ki'sín, ⁶ mé-ni nga ko'sín jeya síkíjneé Nainá ta ngatjì-la nga batoó tse kjonda kitsjá kjotjò-ná nga ya titsajna keé I'ndí-la ra 'ñó tsjake. ⁷⁻⁸ Ko 'kia nga ya titsajna keé ra jè, jè jní ra tsikíxten, tsikíchítjì-ná nga ma isíkítsajnandíí-ná ko nga kishijchaà'ta-ná jé-ná, koni 'sín nga ijye batoó tse tjín-ni kjonda ra tsjá kjotjò-ná 'kia nga tsjá-ná kjoachjine ko kjobítsjen ra tjín-la. ⁹ 'Koaá 'sín tsakón-ná kjoa ra tíj'ma-la koni 'sín kjomejèn-la ra jè, nga 'koaá 'sín ijye iskosòn-la nga ko'sín kitjasòn koni 'sín ijye tjínda-la, ¹⁰ nga

sìjngo ijye-ni nga'tsi tsajmì ra tjin ya ján ngajmi ko i a'ta nangi nga jè Cristo kotèxoma-la 'kia nga kijchò nichjin.

¹¹ Kíí-ní nga ya taña titsajnakò-jin Cristo nga ko'sín jahájin-najin Nainá nga tì'sa kjotseé, jin ra xita judío 'mì-najin, mé-ni nga tì'koaá tjábé-najin kjotjò ra jè tjábé-la koni 'sín nga ijye kiskosòn-la jè Nainá ra ko'sín 'sín ijye, koni 'sín nga jè mejèn-la. ¹² Kíí ko'sín ki'sin-ni mé-ni nga a'ta tsajin jeya kijná-ni ra jè, ngajin ra kjokjiín ítjòn-najin a'ta 'tse Cristo.

¹³ Tì'koaá jiòn, 'kia nga ijye ya titsajnakò-te nga ijye kina'yá 'én-la ra kixi tjin, jè 'én xitse ra nda tsò ra ijye tsachrjekàjin-no jé-no ko 'kia nga ijye kjokjiín-no a'ta 'tse, jè Nainá kitsjà-no Inìma Tsje-la koni 'sín ijye kitsjà 'én-la; ko jè ma koni jngo chiba ra bakón nga ijye ya nakjoá-no a'ta 'tse Nainá. ¹⁴ Jè Inìma Tsje-la tjen kitsjà ítjòn-ná mé-ni nga ko'sín kijnngo-lá takén nga tjábé-ná kjotjò ra ijye jè Nainá ko'sín kitsjà 'én-la nga tsjá-ná jè nichjin 'kia nga jè Nainá jngó kjá sìikítsahijyondíí tsje-ná jién ra naxindá-la tsó-ná, mé-ni nga jè, jeya kijná-ni.

Kó'sín bítsa'ba jè Pablo a'ta 'tse jñà xita ra ijye makjiín-la

¹⁵ Koáá ma-ni, ra 'an, skanda 'kia-ni nga kí'nchree nga 'nó nda makjiín-najiòn a'ta 'tse Jesús ra tijná ítjòn-ná ko nga 'nó tsjacha jiòn jñà ra xita-la Nainá, ¹⁶ kji'tà nichjin chjà'tà-la Nainá ra a'ta tsajiòn nga tse kjonda kata'se-la ra jè; 'kia nga bitsá'ba-la Nainá, síj'é'ta-te-la ra kjonda tsajiòn, ¹⁷ mé-ni nga jè Na'ín-ná ra 'nó jeya tijná, jè ra Nainá-la Jesucristo ra tijná ítjòn-ná, jè katatsjá-najiòn jè Inìma Tsje-la mé-ni nga katasakó-no kjochjine ko katasíchiya-no kjoa ra jè tji'ma-la mé-ni nga isa nda jchaa-isa-no kó'sín síxá jè Nainá. ¹⁸ Koáá 'sín síj'é'ta-te-la 'an Nainá nga katasíhisen-la jè kjobítsjen-najiòn mé-ni nga jchaa-no kó'sín tjin jñà kjoanda ra chiñá-la, jiòn ra ijye xá ko'sín kiichja-no. Tì'koaá síj'é'ta-te-la mé-ni nga jchà-najiòn nga batoó nda, ko batoó tse kjoanichikon'tin tsjá kjotjò-la jñà xita-la. ¹⁹ Tì'koaá jchà-najiòn nga batoó tse jè nga'nó ra tjin-la, jè ra síchjeén ya a'ta tsajién ra ko'sín makjiín-ná. Ko tijé-ni nga'nó ra kì ²⁰ ra isikjeén 'kia nga isikjaáya-la Cristo ya ajin-la mi'ken ko 'kia nga tsikijna ya nga kixi-la nándá nga jè bakèn-la nga kijná ya ján ngajmi. ²¹ Jè isikijna ítjòn-la nga'tsi nga'nó ra 'cho tjin ko ra nda tjin i

isà'nde, kò nga'tsì nga'nó ra tjin-la jñà ra batéxoma i isà'nde kò jñà ra batéxoma ya ajin isén i'ngaá. Jè tjna ítjòn-la nga'tsì nga'nó ra tjin-isa i isà'nde kò jè nga'nó ra 'se-la jè isà'nde ra 'sa nchrabá. ²²Nainá, jè Cristo isìngatsja ijye nga'tsì tsajmì ra tjin mé-ni nga jè katatéxoma-la; kò tijé-ni Cristo nga batéxoma-la nga'tsì tsajmì ra tjin; ti'koaá jè kongatsja naxindá-la Cristo nga jè katatéxoma-te-la ²³jè naxindá ra tijè-ni ijo-la; kò yaá majngoko; nga jè Cristo síjngo ijye-ni.

Kó'sín nga ta kjojò síjchaà'tá-ná jé-ná Nainá

2 ¹Nga ti'sa kjojseé, kjiín tisahijyo jìòn ra a'ta 'tse Nainá, 'koaá ngoya-la koni tsa ijye 'ken jìòn, ta ngatji-la jñà jé kò jñà kjoa'cho ra ki'nià. ²Kò jñà inìhitjasòn-la jìòn koni 'sín tjin kjoa ra 'sín jñà xita isà'nde rakì; 'koaá 'sín ki'nià jìòn koni 'sín mejèn-la jè nga'nó-la níí ra batéxoma ya ajin isén, ra tijñà-ni inìma 'cho-la níí ra batéxomajin ya inìma-la xita ra mì kì ma-la s'hitjasòn-la Nainá. ³Ti'koaá nga'tsi-ná, yaá tsikitsajieén jñà nìchjin ra ijye tsato, nga kò'sín ki'nié koni 'sín nga nda isasèn-la ijo-ná; 'koaá 'sín kinitjasén koni 'sín tjin kjoa ra mejèn-ná ra jién, kò koni 'sín nga kitsó-ná jè kjobítsjen-ná. Ta ngatji-la nga'tsì kjoa kii, bakén-ná nga ngàsòn tsjáhi'in-ná Nainá tsiki koni jñà xita ra i'ka. ⁴Tanga jè Nainá, 'nó tse kjohimatakòn tjin-la nga ngi kòó nga'nó 'tse kjotsjacha-la kjotsjake-ná. ⁵Nga ti'sa kjojseé, kjiín tsikitsajna-lá Nainá ta ngatji-la jñà jé-ná, 'koaá ngoya-la koni tsa ijyeé 'keén. Tanga jè Nainá kisíkítsajnakon-kò-ná kò Cristo; (kò ngi ta kjonda 'tse Nainá-ní nga ítjokajin jìòn kjohi'in). ⁶Nainá tañaá isikjaáya kò-ná kò Cristo, kò yaá taña isíkítsajnakjo kò-ná ya ján ngajmi. ⁷Kíí kò'sín ki'sin-ni mé-ni nga kòkòn-ni nìchjin ra 'sa nchrabá-isa kó'sín 'nó tse chjí-la jè kjonda-la ra kitsjá-ná koni 'sín kjòhimake-ná nga ya titsajnakeé Cristo. ⁸Nga ta kjojó-ní nga ma ítjokajin jìòn kjohi'in ra 'tse jé-no, ta kíí-ní nga kjokjiín-najìòn; mì tsa a'ta tsajìòn inchrabà-ni kjoa kii, jé Nainá kitsjà kjojò-no kjonda rakì. ⁹Mì tsa ki-ni mé kjoa ra nda ki'nià jìòn. 'Koaá ma-ni nga mì kì koma yá ra 'nga síkìjna ijo-la. ¹⁰Nga jién, xita xitseeé ki'sín-ná Nainá nga ya titsajnakeé Cristo Jesús; kíí xá tsíkínda-ná mé-ni nga jñà 'sian-ná nga'tsì kjoa ra nda tjin, jñà kjoa ra ijye kò'sín tìngi tsíkìhijyondá-ni Nainá nga s'hitjasén.

Kjo'nchán ra tjín-ná nga Cristo titsajnakéé

¹¹ 'Koaá ma-ni jiòn ra mì tsa a'ta 'tse xita judío inchrabà-ni tje-no, chjajnoó-no xita judío ra tjí'ta chiba ijo-la nga tsò: “Mì tsa mé chjí-no nga mì tsa tjí'ta chiba ijo-no kjoa 'tse circuncisión.” Tanga ta tsja xitaá kisi'ta chiba-ni ijo-la xita kii. ¹² Tikítsjen jè nichjin ra tsato nga mì tsa ya titsajnakoo jè Cristo, ko mì tsa ya nakjoá-najiòn a'ta 'tse naxindá Israel, ko mì tsa ya bako-no jñà kjoa ra Nainá ko'sín tsikíndajín-ko xita Israel 'kia nga kitsjà-la 'én-la, ko nimé kjonda inchichiñá-la jiòn ko mì kì 'yaxkon Nainá jñà nichjin kiòo. ¹³ Tanga 'ndi-ni nga ya titsajnakoo Cristo Jesús, jé Nainá ko'sín isichraña-najiòn ta ngatji-la jní ra tsikíxten Cristo, jiòn ra kjiín titsajna-la Nainá nga ti'sa kjotseé. ¹⁴ Nga jé Cristo kisíkítsajna 'nchán-ná. Jè, jngo naxindá ki'sin-ni jñà ra xita judío ko ra mì tsa xita judío nga tsjahíxìn jè kjoa ra batéchjá-ná koni tsa jngo chrjó ra síjnaya masen-ná tsiki nga mì nda chibé; ko jè tsjahíxìn kjosi ra tjín-ná tsiki 'kia nga kitsjà ijo-la nga 'ken ya a'ta krò. ¹⁵ Ti'koa tsjahíxìn jñà kjoa ra síjé jè kjotéxoma ra itjábé-la Moisés. Kii ko'sín ki'sin-ni mé-ni nga jñà xita-la ra ngajò naxindá, jngoó jtín 'siin-ni ra ngi xita xitse, 'koaá ma-ni nga 'jikó kjo'nchán. ¹⁶ 'Kia nga 'ken ya a'ta krò jè Cristo, jé nda isijoókjo-ni ko Nainá ta ngajò naxindá kii nga isijngo-ni; yaá isi'ken nga'tsi ra kjoa kondra 'mì.

¹⁷ Jiòn ra kjin titsajna-la Nainá nga ti'sa íjtòn, ko jin ra chraña titsahijyo-lajin Nainá, jè Cristo 'ji 'kénajmíya-ná 'én nda-la Nainá ra tjiko kjo'nchán. ¹⁸ Nga ta a'ta 'tse-ní nga tjí'nde-la nga ma koààkonajmí-ni Nainá jñà xita judío ko ra mì tsa xita judío nga ta jngoó Inìma Tsje-la Nainá inchisíxájin inìma-la. ¹⁹ 'Koaá ma-ni, jiòn ra mì tsa xita judío, 'ndi-ni, mì tsa ti xita xìn nangi-najiòn; ngásón ya tajngo nakjoá-no ya naxindá-la Nainá, ko ijyeé 'ndsè chiba ko nga'tsi xita-la Nainá. ²⁰ Jiòn, 'koaá jngoya-la koni jngo ni'ya ra tísindasòn jè chrjó ra ta'koa ijye tíjna. Jè chrjó rakii, jñà xita ra tsikíxáya-la Cristo ko jñà xita ra kiichja ngajo-la Nainá. Ko jé Cristo tíjna koni najò ngàchrjangi-la chrjó ni'ya rakii. ²¹ Nga ko Cristo, kóho'ki ni'ya, nda kjón-ní tísí'ñoýa nga tímihijin skanda nga kojngo tíjngo nga jngo ni'ya tsje-la Nainá koma. ²² Ta ngatji-la nga ya titsajnakoo jiòn Cristo,

tj'koaá yaá majngokoo jiòn jè ni'ya rakìi ñánda nga jè Nainá tjna nga Inima Tsje.

Xá-la Pablo a'ta 'tse jñà ra mì tsa xita judío

3 ¹Koaá ma-ni, [tíbitsá'ba-la Nainá] 'an ra 'mì-na Pablo, ra ndayá tjna'ya ta ngatji-la Cristo nga 'an kisikasén-na nga kichjàya-no 'én nda-la, jiòn ra mì tsa xita judío 'mì-no. ²Nga ijyeé-la tjjin-najiòn kó'sín tjín kjonda ra kitsjà kjotjò-na Nainá nga 'an kisingatsja-na xá ra kii ra kjonda tsajiòn. ³Nga jè Nainá tsakón tsijen-na jè kjoa ra tjí'ma-la tsiki, koni 'sín nga ítsi'kenajmí chiba-no 'kia nga asa ítsikindá-no xajon. ⁴Kia nga chjítá'yá jiòn jè xajon ra ítsikindá-no, yaá kochiya-no nga ijyeé nda fiya-naa kjoa'ma-la Nainá ra jè Cristo tsakón tsijen. ⁵Skanda kjotseé jè kjoa'ma rakii, mì kì yá ra kijtse; tanga 'ndi 'ndi jè Inima Tsje-la Nainá ijyeé tsakón-la jñà xita ra xá jahjin-ni nga tsikíxáya-la Jesucristo ko nga kiichja ngajo-la. ⁶Jè kjoa'ma rakii, kií'sín tjín: jñà ra mì tsa xita judío, 'kia nga makjiín-la 'én xitse ra nda tsò a'ta 'tse Cristo, tj'koaá ngásón tjábé-te-la jè kjotjò ra tjábé-la xita judío nga ngásón ixti-la Nainá ma; nga ta jngoó ijo kama-ni jñà xita kii; ko tj'koaá ngásón tjábé-te-la kjonda koni 'sín nga ijye kitsjà tsa'ba Nainá ra a'ta 'tse xita judío.

⁷Nga ta kjonda 'tse Nainá-ní nga kó'sín chi'nda-la kitsò-na nga 'an 'kenajmíya 'én nda-la; ko jè xá rakii, 'kiaá itjábé kjotjò-na, 'kia nga 'ji kánè-na jè nga'ño-la Nainá. ⁸An, ni'sín isa ta nangi tjna koni jñà xita tsje-la Nainá ra i'ka; tanga 'aán ki'tsi-na jè kjonda rakii nga 'an 'kenajmíya-la 'én nda-la Nainá nga'tsi jñà ra mì tsa xita judío, nga kó'ki tse kjonda tjín ra a'ta 'tse Cristo, ra skanda mí bijchótjingi-la kjobítsjen-ná. ⁹Tj'koaá kitsjà xá-te-na nga 'an kokon tsijen-la nga'tsi xita kó'sín tjín jè kjoa'ma-la. Nga jè Nainá ra tsikínda nga'tsi tsajmì ra tjín, jè tsikí'ma kjoa kii skanda 'kia nga ti'sa-ni. ¹⁰Kí kó'sín kjamà-ni mé-ni nga a'ta 'tse naxindá-la Cristo katabe-ni nga'tsi nga'ño ra tjín a'ta nangi ko ra tjín ya ajin isén i'ngaá, kó'sín nga kjín skoya tjín-ni kó'sín nga bakón kjoachjine-la Nainá, ¹¹koni 'sín nga ta'koa ijye tjinda-la skanda nga ti'sa-ni tjà'tsin-la kjoa nga ya kitjasòn a'ta 'tse Cristo ra tjna itjòn-ná. ¹²'Ndi-ni nga ya titsajna kéé Cristo, tjí'nde-ná nga ma jchikonajmié Nainá; ko mì kì tsa kiskén, nga ijyeé tjingo takén koni 'sín nga

makjiín-ná ra a'ta 'tse. ¹³Koaá ma-ni nga ko'sín síjé-najiòn nga kì tà chjàn nihinda-la takòn a'ta 'tse kjo'hi'in ra tísikjiàan ra ta kjonda tsajiòn-jiòn. Nga jñà kjoa ra 'an tibatojiàan, jiòn nda kítsajna-najiòn.

Kó'sín tjin jè kjoatsjacha ra 'nó tse kjoachjine tsjá-ná

¹⁴Ta ngatji-la nga'tsi kjoa kii tíasen-ná xkó-na ya ngixkon Nainá ra Na'ín-ná, nga tíbítsa'ba-la. ¹⁵Nga a'ta 'tseé nchrabá-ni nga tjin ra na'in ko tjin ra ixti, koni jñà ra tji'hiyo ján ngajmi ko ra tji'hiyo i a'ta nangi. ¹⁶Kii ko'sín tísíjé'ta-la jè Nainá, mé-ni nga koó Inima Tsje-la katatsjá-la nga'nó jè inima-no koni 'sín tjin jè kjoanda-la ra bato 'nó jeya tjna, ¹⁷ko jè Cristo ya katijnajin ya inima-najiòn ta ngatji-la nga makjiín-no ra a'ta 'tse; ko jè kjotsjacha ra tjin-no, 'nó nanga katafi koni kjama-la ya ko koni tsa jngo tjà'tsin chrjó ni'ya. ¹⁸Koaá 'sín koma-ni nga nda kochiya-no ko nga'tsi xita-la Nainá kó'ki tse tjin-ni kjotsjacha ra tjin-la Cristo, kó'ki teyá, kó'ki ndajó, kó'ki nanga, ko kó'ki 'nga; ¹⁹ko katamachiya-no jè kjoatsjacha ra tjin-la Cristo jè ra batonè tsje-la nga'tsi kjobítsjen ra tjin mé-ni nga nimé ra jchija'ta-no koni 'sín nga jè Nainá, nimé ra jchija'ta-la.

²⁰Nainá tjin-la nga'nó nga ma 'sin kjoa ra isa ta 'nó chjá tjin koni jñà ra níjé-lá ko koni jñà ra jién níkítsjeén. Jé nga'nó-la ra síxá ya ajin inima-ná ra ko'sín 'sín. ²¹Jeya katijna Nainá ya ajin naxindá-la ko a'ta 'tse Cristo! 'Koaá 'sín katama skanda ta mé nichjin-nioo ko skanda ta mé nó-ni.

Jè Inima Tsje-la Nainá ra síkítsajnajtín-ná

4 ¹'Koaá ma-ni bitsa'ba-najiòn, 'an ra ndayá tjna'ya ra ta ngatji 'tse Na'ín-ná, ko'sín nda 'tiaàn koni 'sín nga bakèn-la jè kjoa ra xá inakjoá-no. ²Ki xita 'nga ikon 'nià, indakjoa 'tiaàn; kata'se-no kjoajetakòn; ngi tà koó kjotsjacha-no nga katachíkjoako-no xàngioo. ³Tinè-la ijo-no nga ko'sín títsajna ki'ta koni 'sín ijye tsíkítsajtín-no jè Inima Tsje-la Nainá, mé-ni nga ko'sín 'nchán kítsajna-no. ⁴Nga ta jngoó ijoó ma-ná jién ra makjiín-ná, ko ta jngoó-ni Inima Tsje ra tjin-ná; ko jè Nainá, 'koaá 'sín kiichja-ná nga ta jngoó kjoa chiñá-lá. ⁵Ta jngoó-ni jè Na'ín-ná ra tjna ítjòn-ná; ta jngoó kjoa tjin-ni ra makjiín-ná, ko ta ngásòn isatíndé nga'tsi-ná, ⁶ko

ta jngo-ni ra Nainá jè ra Na'ín-ná ma, jè ra t́jna ítjòn-ná, jè ra síxájin-ná kò nga t́jnako-ná nga'tsi-ná.

⁷Tanga nga jngó jngó-ná, kja itjábé kja itjábé-ná jè kjonda-la Nainá koni 'sín nga kitsjà xá-ná Cristo. ⁸Kíí ko'sín t́chja-ni xajon ra tjít'a 'én-la Nainá ra a'ta 'tse Cristo nga tsò:

'Kia nga ijye kisikijne nga kijìmjìn ya ján i'ngaá, j̀nà nga'tsi xítà kondra-la, yaá tsikí'ndofe nga kijitjìngi-la, kò kisika'bí-la kjotjò j̀nà xítà-la.

⁹¿Kó tsò-ni jè 'én ra tsò: nga kijìmjìn ya ján i'ngaá? Tsò-ni nga [jè Cristo] ítjòn itjokàjen skanda ya a'ta nangi. ¹⁰Jè ra itjojen skanda ya a'ta nangi, t́jé-ni jè ra kijìmjìn india-ni ñánda nga isa 'ñó 'nga tsikijna koni nga'tsi ra 'nga t́tsajna mé-ni nga jè síjngo ijye-ni. ¹¹Jè sabà Jesucristo kitsjà xá-la nga mé xá ra 'sìn nga jngó jngó xítà. Tjín ra kò'sín tsatéxáya-la nga síika'bisòn 'én-la, kò tjín j̀nà ra chja ngajo-la Nainá, kò tjín j̀nà ra bako-la nga 'bénajmíya 'én nda-la Cristo, kò tjín j̀nà ra bako-la nga síkinda j̀nà xítà naxindá-la Nainá, kò tjín j̀nà ra bako-la nga bakón-ya jè 'én-la Nainá. ¹²Kíí ko'sín ki'sìn-ni mé-ni nga nda katachjìne-ni j̀nà xítà naxindá-la Nainá nga nda síhitjasòn xá ra 'tse Nainá, kò mé-ni nga nda katìhijin-ni jè naxindá-la Nainá ra jè ijo-la Cristo. ¹³'Koaá 'sín ma-ni nga ngi jngoó kjobítsjen 'se-ná nga'tsi-ná koni 'sín nga makjìín-ná a'ta 'tse Nainá, kò koni 'sín nga 'yaxkeén I'ndí-la, mé-ni nga ngi xítà kixì komeé. Ngi 'koaá 'sín kongásén koni jè Cristo nga nímé chija'ta-la ra jè. ¹⁴Kò mì tsa tì kò'sín 'sian-né koni tsa ixti, nga sasa makjìín-ná tsa mé 'én ra kiná'yé ra mì tsa kixì kjoa, nga jndí ján fìko-ná xítà maña ra bíndocha-ná nga bakón-ya ra kj'íi kjoa, 'koaá jngoya-la koni tsa chitso, ra jndí ján mahítsjá tjo kò nga'ñó-la nandá. ¹⁵Ta isaá jnchro ngi 'én kixì kinákjeé nga matsjacheé xàngieé, mé-ni nga isa nda katakasòn-ni kjobítsjen-ná koni 'sín tjín kjobítsjen-la Cristo nga jè t́jna skò naxindá-la Nainá. ¹⁶Jè Cristo tsjá nga'ñó mé-ni nga j̀nà xítà naxindá-la nda kjón kítzahijyojtín-ni. Nga jè naxindá-la Nainá, 'koaá 'sín tjín koni ijo-la xítà, koni 'sín nga t́jkjo ijo-la nga kja-tjín kja-tjín xá-la. Tsa nda síxákjo, kihijin-ní kò 'seé-la nga'ñó. 'Koaá 'sín ngoya-la jè naxindá-la Nainá nga kihijin kjobítsjen-la 'kia nga jngó jngó xítà-la nga nda síxákjo, tsa ngásòn matsjake xákjién.

Jè kjobinachon xit̄se ra t̄jín-ná a'ta 'tse Cristo

¹⁷Koaá 'sín t̄ixian-no k̄o t̄ísjé-no a'ta 'tse k̄jotéxoma ra tsjá-na Na'ín-ná, k̄i t̄i tsja k̄o'sín n̄jchá-no ijo-no koni j̄nà xit̄a ra m̄i k̄i bexkón Nainá nga j̄nà síchjeén k̄jóbítsjen-l̄a ra n̄imé ch̄j̄-l̄a. ¹⁸T̄j̄j̄n̄d̄-l̄a k̄jóbítsjen-l̄a. M̄i k̄i be k̄jonda ra t̄jín a'ta 'tse k̄jobinachon ra tsjá-ná Nainá ta ngat̄j̄-l̄a m̄i k̄i machiya-l̄a nga batoó tájajín j̄nà inima-l̄a. ¹⁹M̄i k̄i t̄i be-ni ra k̄josabà 'm̄i, ijyee bato k̄jótájajín, ijyee ta j̄nà kájno ká'ta-l̄a k̄joach̄inga ra sasén-l̄a ijo-l̄a, m̄i k̄i masi-l̄a nga 'sín k̄joach̄inḡi ra bato t̄jé t̄jín. ²⁰Tanga ra j̄n̄on, m̄i tsa k̄o'sín t̄jín k̄joa ra ki'senajm̄i-no a'ta 'tse Cristo. ²¹Nga ijye nda kina'yá j̄n̄on 'én-l̄a k̄o nda tsakon-ya-no koni 'sín t̄jín k̄johixi ra a'ta 'tse Jesús. ²²Koaá 'sín ki'senajm̄i-no nga tijmió ijye k̄jobinachon jchínga ra ki'chà-no skanda t̄i'sa k̄jotseé ra m̄i t̄i mé ch̄j̄-l̄a, ta ngat̄j̄-l̄a nga ta tsikíndocháá-no nga'tsi k̄joa'cho ra kisasèn-l̄a ijo-no. ²³T̄i'nde-la nga jè Nainá katasíx̄it̄seya inima-no k̄o jè k̄jóbítsjen-no. ²⁴K̄o'sín t̄j̄chá ijo-no nga jè ch̄j̄bé k̄jobinachon xit̄se ra k̄o'sín t̄jín koni 'sín nga 'ki Nainá, nga ngi kixi t̄j̄chá ijo-no k̄o nga tsje t̄itsajna ra a'ta 'tse k̄jokixi.

Kó'sín nga t̄jínè k̄jòn-l̄a nga 'sieén

²⁵Koaá ma-ni, tijm̄i j̄n̄on ra 'én ndiso, k̄o ngi 'én kixi jchik̄o xàngioo nga jngó jngó-no nga ta jngoó ijo ma-ná nga'tsi-ná.

²⁶Ni'sín majti-no, tanga k̄i tà ch̄jàn fatsji-jé; k̄o k̄i tà ch̄jàn jngo ních̄jin majti-no kó nda nga k̄at̄j̄ tsá'bí. ²⁷K̄o k̄i bi'nde-la nga jè xit̄a-n̄i b̄indisok̄o-no.

²⁸Jè ra síchijé k̄jotseé, k̄i t̄i síchijé-ni, katasíxá 'ndi-ni, katasíchjeén tsja nga nda katasíxá mé-ni nga kama k̄osiko'ta-ni j̄nà xit̄a ra t̄ichija'ta-l̄a.

²⁹K̄i nijngo 'én ra 'cho tsò bitjo ya ndsa'bà j̄n̄on; j̄nà t̄inákjoa 'én ra nda tsò ra k̄ochjeén-l̄a xit̄a xàngioo nga kixi k̄itsajna, mé-ni nga ya sakò-l̄a k̄jonda j̄nà xit̄a ra k̄j̄'nchré. ³⁰K̄i bi'nde nga ba 'se-l̄a jè Inima Tsje-l̄a Nainá, jè ra kitsjá-ná koni jngo ch̄ib̄a ra bakón nga xit̄a-l̄a Nainá meé skanda 'kia nga kijchò n̄ich̄jin nga jngó k̄j̄ s̄ik̄itsajnand̄i-ná Nainá ra a'ta 'tse jé-ná.

³¹Ch̄j̄ix̄ion ya ajin inima-no nga'tsi k̄joa ra t̄j̄ngi jti-no, k̄o k̄joa k̄jàn ra t̄j̄jin inima-no, k̄o k̄jotitakòn-no, k̄o ra ta inchimak̄jàn sabá-no, k̄o nga nakjoájno-la xàngioo k̄o nga'tsi

kjoa ra 'cho tjín. ³²Jé ra isa nda tjín nga nda xita tikoo xàngioo nga jngó jngó-no kō nga jchahimatakòn; kō tijchaà'ta kañá-la xàngioo koni 'sín nga a'ta 'tse Cristo isihijcha'ta-no Nainá.

Ko'sín machjeén nga sijché ijo-ná ra ixti-la Nainá 'mì-ná

5 ¹Koaá ma-ni, kō'sín tijchá ijo-no koni 'sín 'sín jè Nainá; nga jién ra ixti-la tsó-ná, 'ñó tsjake-ná. ²Kata'se-no kjotsjacha ra a'ta 'tse xita xàngioo, koni 'sín nga kjotsjake-ná jè Cristo nga kitsjà ngajo-ná ijo-la nga 'ken koni jngo kjotjò ra nda isasèn-la Nainá.

³Tanga kì tà chjàn kjoachijngi 'nià, kō kjoa'cho ra tjé tjín; kō kì tsajmì ra tjín-la xàngioo nìkjaajion; kì kotjín kjoa ra na'yá-la ra a'ta tsajìon, jìon ra naxindá tsje-la Nainá 'mì-no. ⁴Ti'koa kì nìmé 'én chinga nakjoá kō kì jñà nakjoá 'én ra nìmé chjì-la, kō kì nìmé 'én-ská ra 'cho tsò nakjoá. Nga mì kì nda tjín jñà 'én kì, ta isaá jnchro kō'sín tìchjeén ndsa'bà nga kō'tìn-la Nainá nga tse kjonda kata'se-la ra jè. ⁵Machjeén-ní nga kō'sín katasijin-no nga jñà xita ra kjoachijngí 'sín, kō ra 'sín kjoa'cho ra tjé tjín, kō ra síkjahajin tsajmì ra tjín-la xákjén ra 'koaá jngoya-la koni tsa nainá xkósòn bexkón, jñà xita ra kō'sín 'sín, nìmé kjotjò 'se-la ya ñándà nga tíbatéxoma Cristo kō jè Nainá. ⁶Ra a'ta 'tse kjoa kì, kì jñà bíndochà-no jñà xita ra síchjeén 'én ra nìmé chjì-la, nga 'koaá jnchro ma-ni nga síkjinchrabá kjohi'in Nainá a'ta 'tse xita ra mì kì síhitjasòn-la. ⁷Kì ya níngàsòn-koo jñà xita kì.

⁸Nga 'sa kjotsee kjoajñò tsikitsajion, tanga 'ndì 'ndì-nì iseén titsahijyo nga jè Na'in-ná Jesucristo titsajnakoo. Kō'sín tijchá ijo-no koni 'sín nga bakén-la xita ra isen títsahijyo. ⁹Nga jè kjonda ra sakó 'kiá nga kjoahisen titsajieén, jè-ní nga nda 'nié, kō kixì níjché ijo-ná, kō ngi 'én kixì nakjé. ¹⁰Nda chítsijen jìon mé kjoa-ni ra nda sasén-la jè Nainá. ¹¹Kì ya níngàsòn-koo koni 'sín 'sín jñà xita ra ta tjíjñò-la ra mì kì machiya-la, ta isaá jìon kō'tìn-la nga mì kì nda tjín jñà kjoa ra 'sín. ¹²Nga skanda masabá-ná 'kiá nga nìkaxkieé koni 'sín tjín jñà kjoa'cho ra sí'ma jñà xita kì. ¹³Tanga nga'tsi kjoa, 'kiá nga bijchó sihijyo masen ñándà nga isen chon, yaá 'ya-la mé kjoa-ni; ¹⁴nga jè kjoa iseén bakón tsa kixì tjín kō tsa mì kixì tjín. Kí kō'sín tsò-ni 'én ra tsò:

Ngaji ra tjitsajnafí, tì'ká-là ijo-li.

Tísitjen-jin ya ajin-là mi'ken;

ko jè Cristo sihisen-li.

¹⁵ 'Koaá ma-ni, nda tikindaa jìon kó'sín nga inchiníjchá ijo-no; ko'sín tìtsajna koni jñà xita ra nda síchjeén kjobítsjen-là; kì ko'sín 'nià koni 'sín jñà ra mì nda fìko kjobítsjen-là. ¹⁶ Nda tìchjeén nìchjin ra tí'bi-no, nga jñà nìchjin ra tìtsahijyeé 'ñó tjin kjoa'cho. ¹⁷ Kì 'cho mahíkoo kjobítsjen-no; nda katamachiya-no mé ra mejèn-là Nainá. ¹⁸ Kì xán ni'chi-no ijo-no nga 'koaá ma-ni nga ta mé kjoa ra kajion; ta isaá jè Inìma Tsje-là Nainá nda tikíjnajion ya inìma-no mé-ni nga katatsjá-no kjobítsjen ra nda tjin. ¹⁹ 'Tì nga'ñó-la xàngioo nga jngó jngó-no nga tijndá-la Nainá so ra nda sasén-là koni 'sín nchrabá Salmo, ko nga'tsi so ra 'tse Inìma Tsje-là Nainá nchrabá-ni. Ngi koó inìma-no nga jeya tikíjna jè Na'ín-ná. ²⁰ Kji'tá nìchjin tinákjoa'ta-la Nainá ra Na'ín-ná ma a'ta 'tse Jesucristo ra tjna ítjòn-ná; ko'tin-la nga Nainá ra katíhji-là ta mé kjoa-ni.

Kjoa ra tjinè-là nga 'sìn jñà íchjín ra ijye ixan

²¹ Tiná'yahijon-la xàngioo nga jngó jngó-no ta ngatjì-là nga skon-chá jè Cristo.

²² Jñà íchjín ra ijye ixan, ko'sín nda kata'nchréhijon-là 'xìn-là, koni 'sín nga 'nchréhijon-là jè Cristo. ²³ Nga jè 'xìn, jè ma skò chjoón-là, koni 'sín Cristo, jè ma skò xita naxindá-là, ko jè naxindá-là, 'koaá jngoya-là koni tsa jè ijo-là, nga jè tsachrjejìn kjohi'in 'tse jé-là. ²⁴ Koni 'sín jñà xita naxindá-là Cristo nda 'nchréhijon-là, jñà íchjín ra ijye ixan, 'koaá 'sín nda kata'nchréhijon-là 'xìn-là ta mé kjoa-ni.

Kó'sín jñà xita 'xìn machjeén-ní nga tsjake kata'sín jñà íchjín-là

²⁵ Jìon ra xita 'xìn 'mì-no, ko'sín tsjacha 'tiaàn jñà íchjín-no koni 'sín nga tsjake jè Cristo jñà xita naxindá-là. Ko kitsjà kjotjó ijo-là nga 'ken ngajo-là, ²⁶ mé-ni nga tsje sílkíjna-ni jè naxindá-là, ko mé-ni nga ko 'én nda-là sìitsje-ni jé-là koni tsa nandá kíníjno-ni; ²⁷ kíí ko'sín kí'sìn-ni mé-ni nga jeya katasíkatsíjen-ni naxindá-là ra tijè sìngatsja-ni ijo-là, ra nímé tjé tjin-là, ko nì nándá nga 'cho 'ki-là, ko nì nāa-isa kjoa ra 'cho síkatsíjen. Jè ra mejèn-là nga 'ñó tsje ko nga 'ñó kixi

katijna jè naxindá-la. ²⁸ 'Koaá tì'sín machjeén nga jñà ra xita 'xin, 'koaá 'sín katamatsjake íchjín-la koni 'sín nga matsjake ra jè ijo-la. Jè ra tsjake chjoón-la, tijé-ni ijo-la ra ko'sín tsjake tí'sín. ²⁹ Nga ní yá xita tjín ra tijè jtike-ni ijo-la; ta isaá jnchro síkonda ijo-la ko tsjá-la mé ra machjeén-la, koni 'sín 'sín Cristo nga síkonda xita naxindá-la. ³⁰ Nga jé ma ijo-la jè naxindá-la; ko jién, yaá indabá'nó-teé jè ijo rakii. ³¹ Nga 'koaá 'sín tíchja xajon ra tí'ta 'én-la Nainá nga tsò: “'Koaá ma-ni jè xita 'xin ra bixan, tsjín jè na'in-la ko jè na-la nga kíjnako jè chjoón-la, ko ta jngoó ijo kama-ni ta ngajò.” ³² Jè 'én rakii, 'nó tse tíchja-ni, tanga ta jé tíchjà ra 'an ra a'ta 'tse Cristo ko naxindá-la. ³³ Tanga jè ra 'nó machjeén nga ko'sín tsjacha 'tiaàn jìon íchjín-no nga jngó jngó-no koni 'sín nga tsjacha jìon ijo-no; ko jè chjoón nda katatsakjón-ke jè 'xin-la.

Kó'sín tí'mi-la jñà ra ixti ko ra xita jchínga

6 ¹ Jìon ra ixti 'mì-no, tìhitjasòn-la jñà xita jchínga-no nga ijyee ya titsajnakjoko Cristo. Nga jñà kjoa kii ra nda tjín. ² Jè kjotéxoma ra tjen ko'sín tsjá jngo 'én nga 'seé-la kjonda jñà ra síhitjasòn, kí' 'sín tsò: “Nda jchaxkín jè na'in-li ko jè na-li, ³ mé-ni nga nda kijna-ni tì'koa tse kama-li nga kijnakin i isà'nde.” ⁴ Ko jìon ra na'in ma, ki kjoiti bi'tsia-la ixti-no; jè ra machjeén nga nda kjón tijchá ko nda kjón tikixiya nga nda takón-ya-la koni 'sín nga mejèn-la Na'ín-ná.

Kó'sín nda tina'yahijon-la ni-no jìon ra chi'nda 'mì-no

⁵ Jìon ra chi'nda ma, nda tìhitjasòn-la jè ra ni-no ma i a'ta nangi. Ngi koó inìma-no nga jchaxkón ko nga tiskón-cha koni tsa xá 'tse Cristo ra inchi'nià. ⁶ Kì ta 'kia nda nihitjasòn 'kia nga inchisíkinda-no, nga ta jè mejèn-no nga jè nda kochrjengi-no; 'koaá 'sín 'tiaàn koni tsa jè-ni Cristo ra inchinitjasòn-la nga ngi koó inìma-no nga tìhitjasòn koni 'sín mejèn-la Nainá. ⁷ Ngi koó kjotsja ra tjjin inìma-no 'tiaàn jè xá-no, 'koaá jngoya-la koni tsa 'tse kjòn-ni Na'ín-ná jè xá ra inchi'nià ko mì tsa 'tse xita-jìn. ⁸ Ijyee 'ya-nájiòn nga ni'sín xita chi'nda ko ni'sín mì tsa xita chi'nda, 'koaá 'sín tjín kjotjò ra tjábé-la a'ta 'tse Na'ín-ná koni 'sín tjín kjonda ra 'siin nga jngó jngó.

⁹Jiòn ra ni-la xá 'mì-no, 'koaá tì'sín tjà 'tiaàn jñà ch'i'nda-no. Kì ta tsja chitiko-no. Ko'sín nda katasijin-no, nga jè Ni-la xita ch'i'nda kii, ko jè Ni-najìon yaá tìjna ya ján ngajmi, ko ra Jè, mì tsa fahájin jñà xita, ta ngàsòn ngáyaá tsjake nga'tsiòo.

Kjoa ra tsjá nga'ñó-la inìma-ná

¹⁰Jiòn 'ndsé, 'koaá 'sín tíxin-no jè 'én ra fehe'ta-ni: Tjatsjio jè Na'ín-ná mé-ni nga jè katatsjá nga'ñó-la jè inìma-no, jè nga'ñó ra bato tse tìjn-la ra jè. ¹¹Koni 'sín nga bìtsanda jñà chíchàn nga kjábé nga'tsi tsajmì ra 'ba 'kia nga fì kjojchán, ko'sín tìtsanda nga sìchjeén nga'tsi nga'ñó ra tsjá Nainá, mé-ni nga ma nga 'ñó kìtsajna-no nga mì jè xita-níi skoóndacha-no. ¹²Nga mì tsa xita isà'nde-jìn ra inçhibixkàn-keé. Jñá-ní ra xitaxá ítjòn-la níi ra tìjn ya ajin isén, jñà ra mì kì tsijen-ni; ko nga'tsi ra tìjn-la kjotéxoma 'tse níi; ko nga'tsi ra batéxoma ya isà'nde jñò rakii; ko nga'tsi nga'ñó 'cho ra tìjn ya ajin isén nga tìjtsa isà'nde.

¹³Kíi ko'sín tíxian-no, tìtsanda nga sìchjeén nga'tsi nga'ñó ra tsjá Nainá mé-ni nga 'ñó kìtsajna-no 'kia nga jè nìchjin nga mejèn-la skoóndacha-no jè xita-níi. 'Kia nga ijye sìkijne, takó 'koaá 'sín kixi kìnchanda-la nì ta mé kjoa-ni. ¹⁴'Koaá 'sín nda tìnchanda nga nda kjón-ní tìndaba'ñó ra kjoakixi koni jngo



Jngo chíchàn ra Roma chja-ni

chíchàn ra 'nõ tjkjá xìnchõ ya ndáyá-la; kixi tijchá ijo-no mé-ni nga jè ra kjoakixi ya kjójtza-no ya asòn inìma-no koni 'sín chíchàn nga bájtsa ya asòn inìma-la chrjaba tája ra 'mì coraza. ¹⁵ Nõ tìtsajnaanda ki'ta nga sika'bìsòn 'én xitse ra nda tsò a'ta 'tse Cristo ra 'ya kjo'nchán koni jngo chíchàn ra 'nõ bíté na'nõ sapàto-la 'kia nga fi kjojchán. ¹⁶ Nda katamakjiín-no a'ta 'tse Cristo, kò jè kjoa makjiín-no kosìkotjì-no koni 'sín jè chíchàn basìkò ra 'mì escudo nga síkji'tso ni'í flecha ra síkasén-tjìngi-la jñà xita kondra-la. ¹⁷ Ngi nda katafìya-no nga jè Nainá iyeeé tsachrekàjin-no kjohi'in; kò jè kjoa kìì kosìkò-no koni 'sín basìkò jè kichà kaskò ra bí'a skò chíchàn. Kò kò'sín nda tìchjeén 'én-la Nainá koni jngo kichà ndajò ra tsjá jè Inìma Tsje-la Nainá. ¹⁸ Kì bìkjòn-la nga bitsa'ba-la Nainá; tìjé'ta ki'ta-la koni 'sín tsjá-no 'én jè Inìma Tsje-la. 'Kia nga kò'sín 'siaan, tìtsanda ki'ta ta mé hora-nì; kò kì bìkjòn-la nga bitsa'batjìò nga'tsì xita naxindá-la Nainá. ¹⁹ Tì'koaá tìtsa'batjì-ná ra a'ta tsa'an mé-ni nga Nainá tsjá-na 'én ra kichjàa, kò mé-ni nga mì kì jtsakjon-naa 'kia nga 'kenájmí-la xita jè 'én xitse ra nda tsò a'ta 'tse Cristo, jè ra tíj'ma tsiki. ²⁰ Nainá isìkasén-na nga 'an kichjà ngajo-la a'ta 'tse 'én nda-la; kíí kò'sín ndayá tìjna'ya-na; tìtsa'batjì-nájìòn mé-ni nga kò'sín isa 'nõ kichjà-na 'kia nga 'kenájmíya 'én-la.

Kjoa nìhixò'ta ra fehe'ta-ni

²¹ Mé-ni nga jcha-no mé kjoa ra tíma'tiaan, 'koaá 'sín tìsikásén-no jè 'ndsé Tíquico ra 'nõ matsjacheé kò ra nda síhitjasòn-la Nainá. Jé kòkìtso-no kó'sín tìjna ra 'an kò mé ra tí'siaan. ²² Kíí xá tìsikásén-no nga jè 'keènájmí-no ra a'ta tsajin kó'sín tìtsajna-jìn, kò jè sùjetakòn-no nga 'se-la nga'nõ inìma-no.

²³ Nainá ra Na'ín-ná kò jè Jesucristo ra tìjna ítjòn-ná katatsjá-la kjoa'nchán inìma-no nga'tsì-no ra 'ndsé chibé; katatsjá-no kjòtsjacha nga tsjacha 'siaan xàngioo kò kò'sín isa 'nõ nda katakjiín-isa-no ra a'ta 'tse Cristo. ²⁴ Kò'sín isa tse kjònda katasakó-isa-la nga'tsì ra kò'sín tsjake jè Cristo ra tìjna ítjòn-ná ra ngi kòó kjòtsjacha ra nìkjiá fehe'ta tsjake-ni. Kò'sín katama.